



PENDUDUK, Haslina Mohd Ghalip (tiga dari kiri) bersama ahli keluarganya bertungkus-lumus membersihkan air banjir kilat yang memasuki rumah berikutan kerja pelebaran jalan di Kampung Jalan Bahagia, Bukit Kapar.

Nur Izzati Izzah Nadzi
am@hmetro.com.my

Meru

"Dalam tempoh dua minggu ini, lima kali kawasan ini dilanda banjir hingga kami penat mencuci dan membersihkan rumah," kata Rogayah Omar, 75, mangsa banjir dari Kampung Jalan Bahagia, Bukit Kapar di sini. Terbaru rumahnya serta kira-kira 40 rumah lain di kampung itu dilanda banjir kilat kelmarin, susulan hujan lebat yang berlaku.

"Banjir kali ini paling teruk melanda kampung kami. Sebelum ini berlaku juga banjir, namun akan segera surut.

"Ada penduduk terpaksa berpindah dan menumpang di rumah saudara-mara buat sementara waktu," katanya yang bernasib baik kerana anak serta cucu tinggal berdekatan sekali gus membantunya mengemas-kan rumah.

Menurutnya, sistem perparitan yang tersumbat antara punca banjir terus berulang.

Sementara itu, ibu tunggal, Haslina Misbah, 50, bimbang rumahnya akan runtuh berikutan tiang kayu rumah yang tenggelam di dalam banjir mula mereput.

"Setiap kali banjir kilat, air

Penat cuci, bersih rumah

Kampung Jalan Bahagia dilanda banjir kilat lima kali dalam tempoh dua minggu



FAKTA

Sistem perparitan tersumbat akibat kerja naik taraf jalan menjadi salah satu punca banjir

KERJA pelebaran jalan di sekitar Kampung Jalan Bahagia, Bukit Kapar menyebabkan banjir kilat.

naik hingga ke paras paha. Lama-kelamaan rumah saya boleh roboh," katanya.

Sementara itu, Pengerusi Jawatankuasa Kemajuan dan Keselamatan Kampung Persekutuan (JKKKP) Kampung Jalan Bahagia, Meklas Ahmad Suparno percaya sistem perparitan tersumbat akibat

kerja naik taraf jalan di Jalan Meru Tambahan dari pekan Meru ke Puncak Alam menjadi salah satu punca banjir itu.

"Kami berharap pihak bertanggungjawab mengambil langkah menangani kejadian ini," katanya.

Sementara itu Pengerusi

Jawatankuasa Tetap Infrastruktur dan Kemudahan Awam, Pemodenan, Pertanian dan Industri Asas Tani Selangor, Zaidy Abdul Talib ketika dihubungi berkata, pihaknya akan melakukan siasatan punca banjir sebelum mengambil tindakan sewajarnya.

BANJIR kilat memasuki rumah penduduk di Kampung Jalan Bahagia, Bukit Kapar.